

熱

四縣腔

林秋香

六月緊工天公盡熱

日頭晒熟穀串 頭犁犁

晒著阿爸割禾 頭那緊淳泉水

但還係山歌溜天

當晝叔婆做生日

日頭炕著面 紅蘿花色

熱著有食懶行 有話懶講

但還係鬧熱煎天

下晝阿姆晒禾穀

日頭蒸熟禾埕 紅濟濟

燒著阿姆拿等盪耙 跳曼波

但還係歡喜曬天

暗晡頭食飽夜

日頭跌落山腳下

熱著阿公拿著扇仔 撥啊撥

但還係承蒙天公